

Berna, zercladur 2025

Posiziun communabla (Forum per la bilinguitad – Helvetia Latina – Forum Helveticum – Coscienza Svizzera – Pro Grigioni Italiano) per mantegnair il sustegn federal per TV5 MONDE.

Las organisaziuns svizras che s'engaschan per la chapientscha linguistica e culturala, per la promoziun da la plurilinguitad, dal dialog intercultural e da la coesiun naziunala, conferman instantamain quant impurtant ch'igl è da mantegnair il sustegn finanziel da la Svizra per l'emettur da referenza internaziunal francofon TV5 MONDE. Las organisaziuns culturalas e linguisticas profitan da la chaschun per exprimer lur quitads davart las iniziativas progressivas per reducir ils servetschs da medias publicas e per indeblir las linguas naziunalas en general.

In engaschament armonisà a l'identitad svizra

La Svizra è in pajais pluriling, enragischà profundamain en ina cultura da chapientscha vicendaivla e da diversitad. Sco in dals stadis fundaturs da TV5 MONDE conferma la Svizra dapi 40 onns sia attaschadadad cun las valurs da la plurilinguitad, da l'avertadad culturala e da la collavuraziun internaziunala.

Ina sminuziun da l'engaschament svizzer mussass in signal che cuntrafa a quests princips e flaivlentass la vusch d'ina Svizra francofona, latina e pluralistica activa, averta e solidarica.

Ina plattafurma internaziunala per la francofonia svizra

TV5 MONDE è in dals paucs vecturs audiovisuals che dat ina visibilitad internaziunala a la lavur culturala e da medias da la Svizra romanda sur ils programs da RTS e che intermediatescha al mund in maletg fidaivel da la diversitad linguistica da la Svizra. La participaziun helvetica a l'emettur garanteschas ch'ils cuntegns svizzers vegnan vesids, udids e chapids era sur ils cunfins ora.

Per in import da var 8 milliuns francs, che vegn repartì en parts egualas tranter la Confederaziun e la SSR, emetta TV5 MONDE ils programs da RTS cun suttitels en ina dunsaina da linguas en tut il mund (inclus la China), en passa 437 milliuns chasadas sur otg chanals linears, regionalisads, dus chanals da spartas (giuventetgna ed art da viver) sco er dapi l'onn 2020 sur ina plattafurma gratuita cun ina surfatscha internaziunala, TV5 MONDE plus, per in public emnil da var 60 milliuns aspectaturas ed aspectaturs.

In instrument per chapientscha e furmaziun

TV5 Monde gioga sin l'entir mund ina rolla essenziala per emprender la lingua franzosa, quai er en contexts nua che l'access a la cultura francofona è limità. Quest fatg rinforza indirectamain l'attractivitat dal franzos sco lingua d'integraziun, da furmaziun e da cultura – in tema relevant era per la coesiun naziunala en Svizra.

In gest da solidaritad internaziunala

Il sustegn svizzer per TV5 MONDE surpassa la promoziun naziunala: el è in act da solidaritad cun il mund francofon global, surtut cun ils pajais dal sid. Per quels è l'emettur in chanal essenzial per l'access ad infurmaziuns multifaras ed ad in cuntegn cultural d'alta qualitat. Quest tema surpassa la lingua franzosa sco tala, el è il maletg dad ina Svizra unida en sia pluralitad linguistica che survegn uschè in'attenziun impurtanta.

Nossas recumandaziuns:

Nus dumandain il cussegl federal ed il parlament svizzer:

1. per il sustegn finanziar e politic da la Svizra per TV5 MONDE.
2. da rinforzar la coordinaziun naziunala en connex cun las sfidas da la francofonia, la plurilinguitad e la diplomazia culturala.
3. da valurisar e render pli enconutschenta la contribuziun svizra per TV5 MONDE ad ina vasta publicitad e suttastritgar sia impurtanza per la visibilitad culturala, linguistica e politica da noss pajais.

Suttascrits

[Forum du bilinguisme](#)

[Helvetia Latina](#)

[Forum Helveticum](#)

[Coscienza Svizzera](#)

[Pro Grigioni Italiano](#)

[Lia Rumantscha](#)